

FANTASY PER RUMANTSCH

Cudeschs, games e films cun figuras ed istorgias fantastas da differentes pievels e pliras dimensiuns, access a la magia e betg d'emblidar vampirs e creatiras stgiras! Quai occupa dapi onns las glistas da bestellers. Legraivlamain datti plirs cudeschs da fantasy era per rumantsch, en ina lingua frestga e giuvna. Ed il bel: ils cudeschs èn scrits da scriventas giuvnas.

EMALIO – da pievels, reginavels ed elements

Il retg stgir smanatscha e conquista cun si'armada da dragants adina dapli regiuns e pievels. Er ils uldauns vegnan chatschads a chantun. La suletta via da cumbatter il nausch è da s'unir cun ils auters pievels e sperar sin la forza dals elements. Il destin trametta il giuven uldaun Emalio sin viadi tar ils centaurs. In viadi nua che tut vegn auter che planisà ...

«Con gronda ei l'armada dil retg?»

«Gronda avunda per alzar in cuolm.»

«Cefras?»

«Per alzar in cuolm, tonscha quei buca?»

«Na, cons umens?»

«Entuorn vegn melli, schazegel jeu.»

«Nus vegnin a spiarder!»

Flurina Albin ed Stina Hendry: EMALIO
fantasy, sursilvan
stgalim mesaun, aut e creschids
360 paginas, CHF 29.00
ISBN 978-3-03845-034-4



SEMPERVERD – in pajais magic

Lio sa grittenta: tut ses amis van en vacanzas durant la stad, mo el sto ir ad alp! Cura che sia mamma prenda perfin anc davent ad el ses telefonin, al tanschi definitivamain! Lio less mo pli ir davent. Ses chaun ha però in'otra idea e va a chatscha da muntanel-



↑ Tut ils cudeschs pon vegnir retratgs en las librarías u sut www.chasaeditura.ch

las. Questa chatscha als maina en il pajais magic da Sempververd, nua ch'els ston ademplir intginas incumbensas.

«Es nar? Pertge as laschais vus attrair dal nausch? Tut nossa gliעד guntgescha quest lieu, e vus as laschais attrair dad el! E vus avessas da spendrar Sempververd? Savais quant pri-vlus che quest lieu è?»

Simona Demarmels ed Anna Negrini: SEMPERVERD

illustraziuns: Jon Bischoff
fantasy, rumantsch grischun e surmiran
stgalim mesaun
88 paginas, CHF 24.00
ISBN 978-3-03845-063-4



Sindoria – mund parallel ed emprim'amur

Il mund da Ramona vegn tut in tranter l'au-ter ... La giuvna Ramona è sin la fuga da la polizia ed emprenda d'enconuscher l'attrac-tiv e misterius giuven Aronel. Els sa chaves-treschan en embrugls da temp e sentiments ed eveniments bizars e sa chattan tuttenina en il mund parallel Sindoria.

Corra! Corra!, sbrigli ainten me, ma las mias tgommas am fon betg ple per cumond. Smanatschond antscheva Salvator a neir se per me. El dolza igl cuntel aint igl sies mang dretg. Cun en sagl stat el davant me e fora igl cuntel aint pigl mies vainter.

Dominique Dosch: Sindoria
fantasy, surmiran
stgalim aut e creschids
440 paginas, CHF 35.00
ISBN 978-3-905956-17-7



La feglia dal fraissen – 9 istorgias curtas ed ina novella

Nov personas ed in vitg. Personas trappadas dal mintgadi, da lur conturn e pensar – e da lur passà. Tuttas emprovan da mitschar, ma betg tuttas reusseschan ... In cudesch che sfruscha vid la vart stgira e sombra en nus e che nutrescha in voyeurissem dascus.

Tut è stgir en val. Stgir e quiet.

Tuttenina sauta ina ramur tras l'aria ch'ins n'ha gia daditg betg pli udi en quest conturn. Anc adina dorman ils abitants dal vitg la profunda sien senz'anguscha. Il rir è uss uschè dama-naivel ch'il vent po purtar las vuschs tar las emprimas chasas ...

Viola Cadruvi: La feglia dal fraissen

illustraziuns: Jon Bischoff
fantasy, rumantsch grischun
stgalim aut e creschids
152 paginas, CHF 18.00
ISBN 978-3-03845-069-6

Chasa Editura Rumantscha, Via da la Plessur
47, CH - 7001 Cuira, telefon +41 81 250 40 46,
info@chasaeditura.ch, www.chasaeditura.ch